

**APPENDIX D: KEV MUAB VAJ HUAM SIB LUAG RAU SAWV DAWS HAUV KEV UA HAUJ LWM THIAB KEV PAB CUAM TXOJ CAI NTHUAV TAWM
EQUAL OPPORTUNITY IN EMPLOYMENT AND SERVICE DELIVERY POLICY STATEMENT**

Nws yog txoj cai ntawm Waushara County (Qhov Chaw Khiav Hauj Lwm Lub Npe) los mus muab vaj huam sib luag rau sawv daws hauv txoj kev ua hauj lwm thiab kev pab cuam kom ua tau raws li tsoom fww xeev Wisconsin uas yog Department of Children and Families, Department of Health Services thiab Department of Workforce Development thiab tsoom fww teb chaws cov cai.

KEV UA HAUJ LWM

Tsis pub kom tus neeg uas nws muaj feem tau txais kev pab raug muab cais tawm ntawm kev ua hauj lwm, tsis kam muab kev pab rau nws ntawm kev ua hauj lwm los yog raug ntxub ntxaug muab nws cais tawm vim nws lub hnuv nyoog (40 xyoo rov saud), haiv neeg, kev ntseeg¹, tsos nqaij daim tawv, poj niam/txiv neej, keeb kwm, muaj mob xiam oob qhab los yog muaj kev koom nrog ib tus neeg muaj mob xiam oob qhab, raug ntes, raug kaw, muaj kev plees kev yi txawv, muaj txij nkawm los tsis muaj, cev xeeb tub los yog tau me nyuam, ua tub rog, kuaj kom paub caj ces/noob (genetic testing), sim txog kev ncaj ncees (honesty testing) los yog siv los tsis siv tej khoom tsis txhaum cai uas tsis yog nyob ntawm tus tswv hauj lwm thaj chaw thaum tsis yog lub sijhawm ua hauj lwm. Tsis pub zes los yog thab cov neeg ua hauj lwm hauv chaw ua hauj lwm los ntawm qhov lawv yog cov uas muaj txoj cai pab tiv thaiv los yog tsis pub ua phem rau leej twg kom tau pauj txiaj ntsim rau qhov nws tau ua ntawv tsis txaus siab, tau pab lwm tus ua ntawv tsis txaus siab, los yog tau tawm tsam txoj kev ntxub ntxaug cais neeg hauv chaw ua hauj lwm.

Tas nrho cov neeg khiav hauj lwm yuav tau pab txhawb thiab muab kev koom tes rau cov dej num ntsig txog qhov tsis pub ntxub ntxaug cais ib leej twg ntawm kev ua hauj lwm no.

KEV PAB CUAM

Tsis pub kom tus neeg uas nws muaj feem tau txais kev pab raug muab cais tawm ntawm kev pab, tsis kam muab kev pab rau nws, los yog raug ntxub ntxaug cais tawm los ntawm nws haiv neeg, tsos nqaij daim tawv, keeb kwm, hnuv nyoog, poj niam/txiv neej, kev ntseeg, kev ntseeg kev tswj hwm teb chaws los yog muaj mob xiam oob qhab. Tsis pub ib leeg twg tso hem thawj, ntxias, los yog ntxub tus neeg no vim muaj txoj cai pab tiv thaiv nws, los yog vim nws tau ua ntawv tsis txaus siab, pab ua pov thawj, los yog muab kev koom tes rau kev tshawb nrhiav qhov ua tsis yog, los yog tau sib hais mus rau ntawm rooj plaub raws txoj cai. Tsab cai hais txog cov neeg muaj mob xiam oob qhab kom lawv tau txais kev pab sib npaug muaj nyob rau hauv Americans with Disabilities Act of 1990 thiab Section 504 of the Rehabilitation Act of 1973 raws li tau muab kho dua tshiab. Nyob hauv Food Stamp Act thiab USDA-FNS tsab cai, tsis pub ntxub ntxaug cais leej twg los ntawm nws kev ntseeg txog ib fab kev tswj hwm teb chaws txawv. Tsab cai no yog siv kom sawv daws tau txais kev pab ib yam nkaus txij thaum ua ntawv thov kev pab, thaum tau txais kev pab thiab thaum koom tes ua qhov kev pab cuam tej dej num tib si. Tas nrho cov neeg khiav hauj lwm yuav tau pab txhawb thiab muab kev koom tes rau cov dej num ntsig txog qhov tsis pub ntxub ntxaug cais ib leej twg ntawm kev pab cuam no.

Yuav kom pab peb ua tau raws li cov cai tau hais saum no, kuv tau tsa

(Mr./Ms.) Debra S. Behringer Xov Tooj (920)787-0431

ua Tus Xyuas Txog Kev Muab Vaj Huam Sib Luag (Equal Opportunity Coordinator). Yog koj muaj teeb meem dab tsi txog kev ua hauj lwm los yog kev pab cuam thov tham nrog nws tau. Qhov koj yuav ua ntawv tsis txaus siab li cas thiab txoj kev yuav pab daws teeb meem yuav muab qhia rau koj yog koj nug txog thiab xav paub.

| | |
|--|----------------------------|
| Kos Npe ntawm Tus Executive Director los yog Chief Executive Officer | Hnuv Kos Npe 05/11/2010 |
|--|----------------------------|

¹ Tsis Hais Txog Cov No (Exceptions): Nyob Hauv Nqe Lus 702(a) of Title VII, 42 U.S.C. § 2000e-1(a), cov koom haum rau kev ntseeg tau txais lus tso cai kom muab hauj lwm rau cov tswv cuab hauv lawv txoj kev ntseeg xwb los tau. Qhov no tsuas hais txog cov koom haum uas lawv txoj hauj lwm yog ua rau kev ntseeg thiab tsuas yog hais txog kev ua hauj lwm nkaus xwb.